



Tuhaqtidjutikhaq

Tuhaqtitauhaktukhaq

Moody-kut naunaiffaakta GN-kut Aa1 naunaikhidjutaa

IQALUIT, Nunavut (Taaqhivalirvia 21, 2016) – Kiinauyaliqiyikkut Ministanga Keith Peterson quviagiyaa taimaa Moody’s Investors Service nainaikhiffaqtut taimaa Nunavut Kavamanga (GN) atuqhimmaaqaqtaat atukkiutinut naunaitkutikhaa una Aa1 ihuaqtumut pidjutikhamut. Una naunaitkutikhaa hivullikmik tuniyauhimaquq GN-kunut talvani Niqiliqivik 2012.

“Quviariyakkut pihimahimmaaqlugu pigiyakkut Aa1 naunaitkutikhaq, naunaikhimangmagu taimaa Nunavut Kavamanga maniliqinirmut ihuaqtuq,” uqaqtuq Minista Peterson. “Nunaikhimayaalu ihuaqtuq pidjutikhaq akilikhidjutikhanut ilitariyauyuq atauhiq hakugiknini kavamagiyaptingni.”

Moody-kut atukkiutinut uqquhimayainni naunaiktaa GN-kut mikiyuq atukkangit – mikitqiyauyuq tamainnit nunanit avuktuqhimayunilu – pigiyaat naunaitkutigiainni atauttimungaqhimayut avatqutikhat ilanginni atukkiutinut hakugikniit. Kihimi, Moody-kut naunaiktaallu taimaa GN-kut ayuqhautiqaqniaqtut, tahapkunungalluaq angikliyumivlugit auladjutinut aulapkaidjutikhanullu akilikhiutinut, mikivluni naunaktuq maniliurutikhaq atulluaqhugu uyaraqhiurniq.

“GN-kut munarhimmaaqaqtaait nunamit pivikhatik nakuuyunik pivaklugit” uqaqtuq Minista Peterson. “Kavamakput havaarihimmqaqtaait ihuaqtumik maniit atugakhat, mikiyuq atukkiutit, ihuaqtumiklu ihumaliuqpaklutik humi maniliurutikhaptingnut ikittuni manikhaptingnit.”

Havaarivaktaat atukkiutinut naunaitkutikhat inmikkut ihumagiyakhaat taimaa pittaarianginni havagviuyut pittaarluni havaarilugu ihuaqtumik pilugit manikhatigut atuqtakhatik. Naunairumagunni uuminga Moody’s Investors Service, qaritauyakkut takulugu www.moodys.ca.

